

BIBLIOTEKA E

PH-1

A41

CHIFOKASTET

MIMOZA AHMETI

Bëhu
i bukur!



poezi

8564-1

1341

Mimoza
Ahmeti

Bëhu
i bukur!



poezi



SHTËPIA BOTUESE
«NAIM FRASHËRI»

Redaktor

STAVRI DAJO

MIRAZ
Hemli

Bolu
I. Bülent
1950

YERİNE KÖYÜ
MİRAZ

Sytë e mi

Sytë e mi,
sytë e mi,
janë dy bjeshkë
në dashuri!

Bebëz e errët
ku hyn drita,
është shtegu
ku të prita!

Si e gjete
atë shteg,
të ma ndezësh
qiellin krejt?

Mes qerpikëve
të mi,
shih dy bjeshkë
në dashuri!

Gjyshe

Sa shumë halle që ka shkuar
po i mungon ditari.
Të gjitha gjyshja i ka shkruar
në rrudhat që i ka balli...

...

Moj gjyshe,
s'të paska fund dhembshuria!
Moj gjyshe,
gjithë këtë mall ku e mban?
Kështu qenka puna,
dhe frutave ëmbëlsia
më e ëmbël u bëhet
kur dielli i rrudh e i than...

most . vedat e pjes

Për një peizazh

Dy buzë
s'më japin dot
peizazhin e një dashurie.

Dy sy
nuk më mjaftojnë
gjithashtu.

Më duhet kroi,
kroi i mendimit,
që rrjedh nga lug' i buzës
nën qiell të vështrimit...

Hyrje

Ta dinit sa luftë më është dashur
që pasthirrat e shpirtit

t'i ktheja në fjalë!

Që fjalët e mia

të mund të tërhiqnin

vëmendjen tuaj të gjallë!

Dhe ta besonit

se drejt jush po vija:

Unë dhe Poezia!

Kruja

Ngrihen malet, hapen si xhokë,
retë si qeleshe mbi kokë,
tirqet e rrëpirës nga kjo tokë!
Shihni Krujën time!

Lahuria gjelbërohet gushës,
dielli që nga mali i qesh fushës,
në ullishtë fryn puhi e muzës!
Për ty, Kruja ime!

Netët përmbi kreshta kur rrëshqasin,
mijëra drita e ndezin tallazin!
Tërë pallatet me kala përngjasin!
Kjo është **Kruja ime!**

Mes qytetit mbi kalë Skënderbeu,
thua paška dalë me vrull nga dheu!
Për liri ndritka shpatës tehu!
E lirë Kruja trime!